

佛說力士移山經

西晉三藏法師竺法護譯

聞如是一時佛遊拘夷那竭國力士所生地
大叢樹間與比丘千二百五十人俱臨滅度
時時國臣民皆出來會佛問阿難斯國大眾
何故雲集賢者阿難白世尊曰有大石山去
此不遠方六一丈高百二十丈妨塞門途行
者迴礙五百力士同心議曰吾等膂力世稱
希有徒自畜養無益時用當共徙之立功後
代即便并勢齊聲唱呌力盡自疲不得動搖

音震遐邇是故黎民輻湊來觀佛告阿難改
正法服嚴行視之阿難受教即從座起稽首
佛足獨坐批侍在佛後翼從而進趣諸大眾
五百力士遙覩佛臻金顏從容威耀巍巍端
正殊妙色像清淨大士相好莊嚴其身降伏
陰種無有衰入其心湛然諸根寂定和悅調
隱爲天人最洪燄耀赫晃若寶山如大炬明
焰耀幽冥如大山崗而有積雪如日之光昇
于朝陽如秋月盛衆星特明如轉輪王與諸
寶臣四部衆俱如樹華植煒曄繁茂英艷無

量挑出聖躬五百力士無數之衆瞻戴神變
莫不喜_三善心存發普而奉迎五體自歸稽
首足下一心歸竦退住一面於是世尊問諸
力士汝等何故體疲色頓答曰今此大石方
六十丈高百二十丈欲共舉移始從一日勤
身勑力至于一月永不可動慚恥無效取笑
天下是以疲竭姿色憔悴此何所希冀力士
答曰唯然大聖我之福力莫能踰者庶幾欲
徙石光益於世著名垂勲銘譽永裔使王路
平直荒域歸伏佛告力士明汝至愍意不堪

任吾爲爾移遂汝本願使汝戴功慎無愧懼
力士歡喜啓曰敬從於時世尊更整法服以
右足大指蹶舉山石挑至梵天手右掌受搏
之三轉置於虛空去地四丈九尺還著掌中
三指箴屑吹令銷澌應時三千大千世界六
返震動時諸力士見佛神變成靈顯發即懷
惶怖衣毛爲豎白世尊曰此之舉指爲是大
聖父母恩養乳哺力耶神足智慧意行力乎
答曰乳哺之勢非餘力也若吾建設神足之
力則能移此三千大千佛之境界舉置殊異

百千佛土都不使人有往來想不危眾生不
害地蟲力士又問乳哺之力何所狀像世尊
報曰凡牛之力百當水牛力一水牛力百當
青牛力一青牛力百當犛牛力一犛牛力百
當竹牛力一竹牛力百當草象力一草象力
百當凡象力一凡象力百當黑象力一黑象
力百當白象力一白象力百當龍力一龍力
百當可畏力士力一可畏力士力百當段力
士力一段力士力百當崩隋力士力一崩隋
力士力百當大破壞力士力一大破壞力士

力百當半人乘力士力一半人乘力士力百
當人乘力士力一人乘力士力百當大人乘
力士力一無央數不如如來至真等正覺乳
哺之力佛告諸力士汝等當知是為如來乳
哺之力也諸力士白世尊曰大聖已現乳哺
之力神足之力為云何乎佛告力士憶吾昔
者與大目犍連俱遊諸國時穀飢饉諸比丘
衆不得分衛目犍連白佛穀米湧貴人民餓
餓今諸比丘分衛無獲氣力衰減不能講誦
日日轉羸懼不全命往古天地始成之時地

出自然甘露之味食者康寧四大用安後人
福薄味没于地今欲反地出古之味比丘國
人普得救命令得飽滿誦經念道佛告目連
且止假欲反地地有蟲蟻蠕動之類必被危
害又眾人福薄不應服食古之地味目連又
曰我將諸比丘及飢羸民詣鬱單曰土使就
食自然粳米世尊告曰其有神足者能自致
到未得輕舉安能往乎目連答曰無神力者
我當扶接使往獲安目連之德威變若斯計
閻浮提廣長二十八萬里其地上廣下陘瞿

耶尼域廣長三十二萬里其地似半月形弗
于逮域廣長三十六萬里其地正圓鬱單曰
域廣長四十萬里其地正方周迴繞山爲四
方域滿中人民今得神足如大目連一一充
溢三千大千世界不及如來神力百倍千倍
萬倍億倍巨億卷九萬倍計空不比無以爲喻是
爲如來神足力也力士又曰大聖已現乳哺
神足之力願復示現智慧之力世尊告曰計
大海深三百三十六萬里廣長難限須彌山
王在大海中高三百三十六萬里根在海底

亦三百三十六萬里壁方亦爾其大海水悉可飲盡令無有餘舍利弗智慧不可測量無能減者使四方域滿中人民皆令得智慧如舍利弗一一充溢三千大千世界不比如來智慧之力百倍千倍萬倍億倍巨億萬倍計空不比無以為喻是為如來智慧力也力士又曰大聖已現乳哺神足智慧之力願復示現意行之力世尊告曰假使興雲充徧四域及三千大千世界普大霖雨所由來所經歷處若塵即枝葉華實若器中水山石草蘆蚊

行喘息人物之類大大小小一一滴皆歸巨海悉能分別追而名之又皆識鍊旋而復之不差其本如來意力悉知悉了無所罣礙是為如來意行力也力士又曰大聖已現乳哺神足智慧意行之力寧復有異超過此者乎世尊告曰如來乳哺之力摩訶目健連神足之力舍利弗智慧之力聲聞緣覺意行之力不比如來十種之力廣遠難限力士問曰何謂十力世尊告曰悉見微妙遠近邪正處處非處處有限無限明審如有則悉知之是一

力也過去來今諸所報應經歷之處明審如有則悉知之是二力也禪定正受三解脫門明審如有則悉知之是三力也覩見衆生諸力心本本淨無所不了明審如有則悉知之是四力也曉衆萌類若干種語心念不同形貌各異明審如有則悉知之是五力也分別羣黎雜種無量情態各異明審如有則悉知之是六力也智慧如海言善無量追識一切宿命所更明審如有則悉知之是七力也曉了欲縛解縛之要所在隨行應病授藥天眼

見人善惡終始殃福所歸明審如有則悉知之是八力也道耳徹聽聞天人聲蚊行喘息蠕動之音無所不了明知如有則悉知之是九力也佛無諸漏終始永盡無復縛著神真睿智自知見證究暢道行可作能作無餘生死覩十方人衆生根本無所不察明審如有則悉知之是爲十力也諸力士白世尊曰大聖已現乳哺神足智慧意行及十種力寧有殊異復超諸力乎世尊告曰一切諸力雖爲強盛百倍千倍萬倍億倍無常之力計爲最

勝多所銷伏所以者何如來身者金剛之數
無常勝我當歸壞敗吾今夜半當於力士所
生之地而取滅度於四衢路供養舍利興建
塔寺所以者何其四方人賁諸華香跣立幢
幡懸繒鈴蓋然燈奉進一切皆就真妙之法

卷九

十二

佛於是頌曰

法起必歸盡 興者當就衰 萬物皆無常
慮是乃爲安 得百千金山 福祚難爲喻
不如供泥塔 欣豫歸勝寺 獲寶得千藏
福慶不可計 不如供泥塔 喜踊歸勝寺

設百千寶車 載色如紫金 不如供土寺
踊躍歸命佛

佛說是經時諸力士衆五百人等知世無常
三界難怙無一真諦惟道可依貢高即除不
計吾我皆發無上正真道意應時皆得立不
退轉之地有無央數百千天人遠塵離垢諸
法眼淨佛說如是莫不歡喜各以頭面著地
爲佛作禮

佛說力士移山經